

元亨釋書
九

九

特別
八 4
5587
6





无身釋書卷第九

感進四之一

濟北沙門

師鍊

撰



百濟國義覺

百濟道寧

百濟道藏

多武峯定慧

藥師寺祚蓮

東大寺實忠

二月堂前山也

吉野山報恩

湯川寺玄賓

大安寺慧勝

天王寺道公

睿山法勢

貞崇法師

寬忠法師
智泉法師
成尊法師
金剛山滿米
鞍馬寺峯延
睿山成意
睿山長圓
三井覺助
睿山真遠

勝尾寺證如
清水寺延鎮
延曆寺源心
東寺日藏
白山藏緣
興福寺安願
心譽法師
平願法師
金勝寺光空

石山寺妙尊
雲淨法師
息融法師
藥師寺慧達
延曆寺尋禪
松島寺見佛

三井珍蓮
信誓法師
比良山靜安
延曆寺延昌
延曆寺源泉

○釋義覺百濟國人也本朝征彼國時伴軍士
來身長七尺博究佛乘居難波百濟寺一夕
誦摩訶般若心經同寺慧義夜半見覺室光

曜赫如義恠自窓隙窺之覺誦經光從口出
明朝義告衆衆大驚嘆覺語徒曰我閉目誦
經百許遍開目視室四壁空洞庭外皆見起
而觸之室戶盡關歸座誦經通洞如先是般
若不思議之力也此事齊明帝之時也

○釋道寧百漁人白鳳十二年秋八月天下大旱救軍法寧効雨大注帝加優賞

○釋道藏百濟人持統二年七月旱詔藏祈雨不崇朝普澍天下養老五年詔曰沙門道藏

法門領袖釋家棟梁云云崇禮甚盛年逾八十取滅

贊曰覺軍藏三師者皆藩濟人也此方東漸之始異域英行遊化恐傳法慧解之才也大率延曆前諸師時遠而跡沒纔留感應而見蠹簡殘編也惜乎止于此焉

○釋定慧大織冠之長子也初孝德帝有妃孕已六月大織冠寵遇厚賜妃為夫人約曰所生兒若男為卿子女為朕子既而生慧故名

以鏃足之子投沙門慧隱出家白雉四年隨
遣唐使浮海乃到長安城高宗永徽四年也
師慧日寺神素習學殆十歲調露元年伴百
濟使而至白鳳七年九月也慧在唐大織冠
已薨慧問弟丞相不比等曰先墳何處對曰
擗州阿威山慧曰先公昔潛語曰和州談岑
武峯今日靈勝之區不下大唐五臺我若墓彼
子孫益昌我在臺山也夢我身居談岑先公
告曰吾已生天汝於此地營寺塔修佛乘吾

亦降此擁護後昆時已巳歲十月十六夜二
更也丞相聞已涕泣曰先君之薨實某年月
日也師夢不徒也慧與徒屬上阿威山取遺
骸改葬談岑就上構十三層塔其材慧在唐
時皆悉辨備及歸載材於船舶容餘一層其
塔模清涼山寶池院塔也既而營建只十二
層慧怨一層之留唐而造式不全一夕奔雷
飛電風雨震山黎明天晴遺餘塔材死然飛
來又無羸缺僕射州民莫不感嘆僕射又刻

文殊師利像安塔中慧和銅七年化

釋祿蓮白鳳八年十一月皇后病救建藥師寺祈冥救時不知營構之規蓮入定見龍宮之伽藍出定錄奏造式帝大悅以故藥師寺宏壯麗妙云

贊曰感通者吾門以為常矣世間以為非常矣方今世人之有役也驢馱馬載有行也出入隣里又常也耳蓋奔雷飛電者慧之驢馬也龍宮糾闕者蓮之隣里也然常非常之間

者又難矣哉

釋實忠良辨之徒也嘗神遊都率內宮見四十九重摩尼殿有一所榜曰常念觀音院見其修法儀心甚信慕便乞聖衆而得軌覺後欲修法而無尊像常持念祈求一日游歷攝州難波津忽見闕伽器浮浪來近視則十一面大悲像駕于器也忠喜而取之銅像也其長七寸暖如人膚朝廷聞之於東大寺建晉索院安之忠每歲二月朔對像修懺率軌者

二七日始天平勝寶四年至大同四年五十
八歲未嘗有缺俗號修二月法至今不絕諸
寺多則之又自天平寶字五年至弘仁六年
五十五歲二月十五修涅槃會又不闕也初
忠修二月懺初夜時請衆神讀名簿供之若
州有遠敷明神威靈甚豫此會聞中懺生渴
仰詆曰願獻闕伽水忽黑白二鵝穿石地而
出飛上傍樹其二迹湧甘泉忠斲石爲闕伽
井旱歲井涸二月修中欠闕伽其衆集井邊

遙向若州持念須臾其水盈滿二月十二日
夜也其若之神祠前有河此時絕流無音州
民大恠蓋神送河流通闕伽井也爾後州人
聞此事名其河曰無音河有病者飲闕伽井
多愈焉忠容兒端麗初皇唐光明子詣講堂
堂有地藏像妙斷也后拜像私念安得如此
端正沙門潛令宮人覓美沙門或曰實忠法
師踰於像也后賜浴旦欲觀其體忠入温室
肌膚鮮明后偷眼不暫捨忽然假寐夢與忠

交寤見忠頂戴十一面觀音儀相自若后出拜合掌懺謝曰凡女癡慾輒縻愛見聖師真慈恐我觸忤

贊曰昔則天供安秀二老於宮中一日命溫室使宮人去垢唯嵩嶽恬然不動后嘆曰不因入水爭見長人吾太后光明子興建崇奉之跡則天未知其伯仲也然則天之淫放亦孔醜矣光明子者我未聞焉特覬覦之私發於忠公豈夫忠之威靈所以因而見乎

釋報恩十五歲離家二十入吉野山持觀世音咒四五載間早得靈感天平勝寶四年上不豫救息加持帝疾乃愈時恩為沙彌救得度賜名報恩辭反本山勤修益甚桓武帝在長崗宮嬰沉痾腹結如纏繩眼暗似隔殼巫醫萬方皆不効帝誓曰佛法力痊朕疾朕願勤弘傳不然者佛法無驗在國何益聽者震恐恩應詔入宮閉目持根本咒五十遍宮中大動大悲菩薩顯形殿上上疾立痊上感激

宣問曰法師蘊何行業對曰久居深山誦觀自在根本咒上起禮思給賞甚渥不幾潛反山上遣內臣昇鳳輦追迎于路思謝而不乘徒步返宮初天平寶字四年三月思於和州高市郡子島神祠畔建伽藍安一丈八尺觀自在菩薩像及四大天王像號曰子嶋寺覃承桓武帝遇救親族賜官祿思又受封戶延曆十四年六月寂

釋玄賓姓弓削氏內州人稟唯識興福寺宣

教性厭囂塵銳行勤業嘗患緇侶營僧官又疾族人道鏡媚稱德帝潛入伯州之山桓武帝有病遠詔山中乞冥助至化難遁乃負鉢囊而入都上疾愈辭歸山大同帝詔返輦下聞僧官救下潛遁去往補中別湯川寺弘仁帝貴其操履詔問不絕每年贈布亦賜宸書曰賓上人晦跡煙雲疑思練若春向覺花而獨坐隻蔭提樹而閑眠持戒之光能耀昏暗護念之力自濟黎庶比來炎暑禪居何如朕

機務之暇不忘寤寐地遠心近一念即到羅綺錦繡想在片逐白布一束聊備法資願師領之約文申意又救誓多郡貧士人在世彼郡免米租只貢鐵蓋勞貧之供費也弘仁九年六月卒年八十餘

贊曰人之有道也吾不得而計矣

王者者天下之至尊也沙門者天下之至貧也然

龍腰者曲于思矣

○
奎畫者屈干賔矣以斯而言貴不必貴也賤不必賤矣皆有道乎大哉道乎今何鮮矣哉釋慧勝居大安寺寶龜之間游方至近州御上嶺陀我神祠側宿一舍夢人語曰為我當讀法華覺而恠之明日小白猿來語勝曰我昔為東天竺國王彼國時有沙門數千我下救括比丘私度我當時不廢佛法只禁多徒而受報為猿神師願住此看讀脫我苦趣勝曰此地無供不能久居神曰勿慮也我伸供

養又淺井郡有諸淨衆願勸彼同讀勝赴彼
說此事時山階寺滿預法師在焉曰是事難
信諸比丘皆曰然忽童子走來曰堂上有小
白猿猴衆僧出見之其堂九間宏構大材俄倒
碎諸衆知猴神所爲始信勝言往彼同讀法
華

○釋道公居天王寺持法華有年矣嘗詣熊野
安居夏終還本寺暮過一村無居宅宿大樹
下夜半有騎馬者三十餘人至樹下一人呼

曰翁在乎荅曰在曰何不前去荅曰馬足損
不任乘齡又衰老不能徒步諸騎過去明旦
公恠巡見樹下有小神祠其像朽弊前有片
板上圖馬形前足之處其板破裂公便以絲
繫補欲試神言次夜猶宿樹下中夜前騎又
來呼翁乘馬而出向曉更翁歸來謝曰承師
賜治馬脚不堪幸也乃出甘饌餉公公曰數
騎何人翁曰行疫神也神巡管內我爲前驅
若不出必受售罵今蒙師惠喜慶深矣而我

猶有望於師焉。公曰：何乎？翁曰：我今此身蒙
品神靈，輒受驅罰，受苦無量。願師就樹下三
日三夜誦妙法華，轉我劣報，得淨妙身。公憐
之，三日誦經。第四日，神出頭面，作禮曰：依師
慈力，生補陀洛迦山，得為觀世音眷屬。願師
縛柴草為舡，載我木像，浮海上，知我言之不
妄也。公如教，海波安帖，微風不起。其舟指南
而馳，疾如飛。其夜，村里者老夢樹神成菩薩，
身相金色，光明照耀，南方飛去。公歸寺而語。

聞者嘆嗟。

○釋法勢，睿山義真之徒也。承和八年，過近州，
比良山下，和適村宿民家。家婦俄病，狂言曰：
師讀觀音普門品，我欲聽之。勢素持普門品，
然思狂病之言不足聞，便曰：我無經本，故不
能也。婦人曰：師臂囊見經在焉。勢不得已，出
經讀之。婦人合掌曰：我比良明神也。勢曰：我
聞神皆有通，又長壽。昔釋迦文出，西天未
審見知。不婦人曰：我不往印度，然千數百年。

前諸天多西飛去豈迦文出世時乎

○釋貞崇稟密灌於聖寶延長之末上不豫宣
崇加護崇一夕於宮中與人語上恠令侍臣
見侍臣自隙伺之無久只崇一人而已復奏
上召崇問之崇奏曰稍荷明神適來耳又言
帝之不起矣不幾上崩天慶七年七月二十
六日減年七十九

○釋寬忠行業清純嘗修千日護摩數百日後
護法神裝香火云

贊曰神者求有諸爾曷為求求吾法也吾見
于數子矣而稍荷之語于崇公也崇之求諸
稍荷之求諸

○釋證如姓時氏攝州豐嶋郡吏佐通之子也
母藤氏嘗愁無嗣每月望詣佛塔求子經三
歲未曾息也天應元年產一子乃如也如甫
七歲母年三十三語其夫曰我兒已長成矣
亦無慮焉願許我為尼夫曰我志亦爾兒聞
父母出家悲泣甚切父母慰誘未決翌日有

比丘到家夫婦說本志比丘曰二人皆壯齡也然言剃落真火中之蓮也見在側聞比丘語亦索雜髮夫婦并兒同日出家仍留比丘三人者朝夕勤修三年後比丘失所在兒年十五仲春十八日父母沐浴淨衣中夜一時而逝如乃投郡之彌勒寺後勅改勝尾證道學顯密之教性耐修練住山五十年或時別搆草菴絕言語謝人事專精練行一夕天樂響空如怪聞之忽有人叩戶如忌言故鳴磬令思

戶外人曰我是播州賀古郡驛北居民沙彌教信也今往極樂明年今日上人又可如我故共聖衆來告耳語已而去微光入盧斯須便滅如明旦出廬語弟子勝鑒令其往播州決真偽鑑至彼驛北果有竹扉庭下一屍群犬已狼藉之茅舍有一媪一童見相對而哭鑒曰何為哭媪曰死人是夫也名教信常念彌陀我老而別不能無懷又貧而不舉喪已為烏犬所得我欲不哭而可得乎便指兒

曰此童乃信之子也。鑑歸語此事如曰我絕
言語勤修練不如信之念佛也。自此巡聚落
讚說佛乘勸誘念佛。貞觀八年八月一日辭
諸徒屏草廬十五日出室沐浴告門人曰去
年教信之告今相當也。各乞努力莫怠勤修。
乃入室閉戶中夜金光耀煜香氣普薰。天曉
門弟子等開戶手結定印端坐而寂。年八十
七徒弟不堪戀慕延葬三七日其間室無臭
氣闍維後手印不壞諸徒造石塔藏印手并

弘法大師
之傳也

靈骨如精進絕倫。一旬二飯一月六食。斷語
二十歲行常不輕行十六萬七千六百餘家。
其所過之宅必留異香常閉室而坐弟子猶
不見面者數日。行道之時異僧常相隨云。
釋智泉弘法大師之姪也。性至孝母死哀毀
甚乃祈諸聖曰願知母氏之報數歲後感夢
曰汝母墮地獄泉益悲泣。啓法曰所生母在
地獄以何方便出彼苦趣。法曰修破地獄法
必可拔矣。泉曰願受焉。法即授地藏軌。泉精

修無此一夕夢母莊嚴美服告曰我依汝救護今生天上矣

贊曰孟子云不孝有三無後爲大世人之求嗣也皆是與其聞詆箕裘者有之寄薦脫者有之吾思如之恃怙者薦脫之專乎不然何得孝子而不幾夫婦蕪染之速哉至二人吉祥而一時逝去者求而三歲不倦得而七年早進之明効也由斯觀之雖世諦之有求直道而精者早合真諦之無爲自如之精苦報

周極而無媿我并智泉爲吾黨孝順之士焉釋延鎮報息法師之徒也居清水寺與坂將軍田村遇因爲親友將軍奉救伐奧州逆賊高丸語鎮曰我承皇詔征夷賊若不假法力爭得不辱命公其加意焉鎮誥高丸已陷駿州次清見關聞將軍出師退保奧州官師與賊交鋒官軍矢盡于時小比丘及小男子拾矢與將軍將軍異之已而將軍親射高丸而斃於神樂崗獻首帝城將軍先詣鎮曰因師

護念已誅逆寇不知師之所修何法哉鎮曰
我法中有勝軍地截勝敵毗舍門我造二像
供修耳將軍便說二人捨矢事乃入殿見像
矢瘢刀痕被其體又泥土塗脚也將軍大驚
奏事帝加敬焉

○釋成真仁海法師僕隸之子也海見其稚孩
知為法器收鞠及長俊才日新延父帝在儲
位父以尊為法友託以運祚一日尊入官帝
拔白髮數莖貯硯蓋賜菓尊無語而出歸坊

○修愛染王供其像冠師子噴血踐爐壇不幾
帝即位尊之遇渥矣延久六年正月七日卒
釋源心不詳氏族事睿山寶幢院覺慶為弟
子初書寫性空裝法華一部且曰此經待靈
山同聞衆來須慶讚一旦曰今日法華慶讚
人當來也其日心謁空空曰此人也心干時
尚少而不辭演讚流暢聞者信伏空親菩提
子念珠然其數九十八藤相國道長聞之乞
念珠心便與之心出洛城兩大有走者顧

視一婦人顏甚雅髮長垂心見其好不欲近
急趨而過婦人增奔相近又位心問何為位
對曰我羅刹女也鬼長差我每日覓人捉來
為食若其不得乃欲食我今日不得我當失
命願師法力薦我真福不信我言願趁我蹤
必有信焉心問追薦何事女曰願講法華造
像寫經皆不及也心恠而逐跡日已暮女入
法性寺後山中路甚昏女顧語曰師居此莫
近焉恐暴鬼或擬師亦恬寂無音心屏息而

聽不遠而女扣戶一鬼可畏聲應門便開扉
赤光迸出心望之衆鬼羅列責女無獲便拔
手足分啖心身毛皆豎且甚悲歸坊次日講
法華一座其夜夢鄉女離地三尺許空中而
立裝服甚麗面有喜氣語曰因師講經力脫
鬼趣生天上故來謝耳永承三年任天台座
主八年十月十一日滅年八十三
贊曰大矣哉吾道之利乎無所不至矣或保
國祚或殲國寇皆深矣乎心也為鷲嶺聽徒

宜乎利之及鬼魅乎

釋滿米居和州金剛山寺

俗号矢田寺

戒行絕版

名被朝野名臣野諫議筆展弟子禮筆又不測人也身列朝班而神遊瑛宮球王一時嘆曰澆季有情罪障至渥我雖精直頗罹餘殃是我夙作之不純也故我得雙王之名也爲之如何琰臣議曰乞大王受菩薩戒球王曰爭奈陰府無戒師何于時筆奏曰臣有師友戒業純淨在閻浮利日本國可屈耳琰王悅

曰卿早喚來筆詣寺告事米便伴筆赴地府琰王請米昇師子座受菩薩大戒琰王曰戒德至重何以表親米曰我欲見地獄苦報願大王見聽許王便將米往阿鼻城鐵門銅釜火聚刀山諸苦具殆不可言至一所熾焰迸騰一比丘隨焰上下米問琰王曰彼沙問爲誰何等極報在此火中王曰師自問彼米待隨煙下忍熱近比丘所問之比丘對曰我是地藏菩薩也汝來此界說戒法地獄有情離

苦者多。我又隨喜。我得牟尼親屬。不惶猛火。大悲代苦。化諸衆生。我雖行等慈。無緣衆生。不得濟度。汝反人間。告四衆歸投。我亦言。苦相。米已辭地府。琰王令冥使擎一漆篋。觀干米。米啓篋。白粳米也。隨取隨滿。竟終不竭。米素持地藏尊。自陰府歸。招良工刻獄中地藏相。安于寺。其像命尚在。長五尺。或曰米本名滿慶。得琰米後。時人改今名。

釋日藏。洛城人。延喜十六年二月入金峯山。

椿山寺。雜髮時。年十二。絕鹽穀。精修六歲。聞母氏沉痾。始出山。歸洛省。觀居東寺。學密教。而往來金峯。天慶四年秋。於金峯山。尅二十七日。絕食。不語。修密供。八月一日午時。修法之間。忽舌燥。氣塞。欲呼人相救。又思已稱不言。豈得出聲。如是思惟。氣息既絕。恍至一窟前。窟中有沙門。手執金餅。傾出瓶水。與藏飲。其味甘美。沙門曰。我是執金剛神也。常住此窟。護釋迦遺法。我感上人勤修。故忽往。雪山取。

八德水救師渴。又有數十天童子以種種
餚饈盛蓮華捧持。立沙門曰。此諸童者。二
十八部衆也。與藏食。食已。大德和尚來。伸
左手執藏手。上西岩。其岩積雪數千丈。漸至
山頂。一切世界皆在。下面山頂平坦。純金爲
地。光明照映。北方有金山。山中有七寶高座。
和尚坐其座。和尚曰。我是在尼應化藏王菩
薩也。此處曰金峯山淨土。汝餘業無幾。早競
修善。藏自言。我不愛命。但求佛道。然創一道。

場未成。以此爲念耳。不知安有增延乎。和尚
取短札書八字。賜之。其文曰。日藏九九年。月
王護和尚曰。汝在山谷勤修。練得延命。居里
開必短促。日藏有所修尊法也。依法故可改
汝名。九九者。餘命也。年月者。長短也。王護者
加護也。汝亦以護法菩薩爲師。重受淨戒。又
覲大政威德天。語在北野。事中藏問大政天
曰。金峯菩薩賜短札八字。又少承註釋而未
委願。天解之。天曰。日者。六日也。藏者。胎藏也。

九九者八十一也年者八十一年也月者八
十一月也王者藏王也護者守護也言歸命
大日如來修胎藏法者延命八十一歲即蒙
藏王加護耳又如說修行延為九九年無穢
懈怠促成九九月是菩薩所謂長短也急替
本名可憐尊旨始名道賢因此改今名金峯
菩薩令藏又見地獄者一鐵窟中有四人其
形如炭一人衣覆肩三人裸裎躡赤灰上獄
卒告曰是汝本土之君臣也時有衣人招藏

曰我是大日本國主金剛覺大王之子也受
此鐵窟之苦彼太政天神以怨心燒佛寺害
有情其所作罪報我皆受之彼太政天者菅
丞相也宿世福力今為大威德天神乃自說
五罪曰我受苦無量汝歸本國奏國主及宰
輔造一萬卒都婆拔我苦厄藏凡過十三日
蘇息後移室生龍門寺靈應甚多通堀土得
鈴杵便知前身所持之道具嘗詣松尾神祠
持念祈知權本及三七日暴風雷雨四方杳

冥祠殿中有聲言毗婆尸佛藏感敬而出至
衰老顏有孺子色歸寂後無屍人怪之
贊曰借冥矯眾不受惑者鮮矣是士若子智
權識術為用之秋也予見滿慶之入地府法
藏之止天界非矯眾之儔矣日藏之神遊者
吾焉廋哉吾焉廋哉

釋峰延東寺十禪師也一日望北山有紫雲
延出寺向北行尋雲起處至鞍馬寺日已暮
敲燧焚木禪坐居數日一夜女鬼來向火延

起入堂後朽木中鬼逐至怒自動唇延念毗
舍門忽朽木自倒打殺鬼翌日大中大夫藤
伊勢人入山見延卧問曰師何人何故卧乎
對曰我來此已五日而不食故卧耳大夫便
洗粳米飲白漿漸薦膳延語來此事及婦鬼
死大夫便署延為寺主夏五月延修護摩日
中大蛇自北嶺來目如電舌若火延誦毗沙
門咒蛇俄自斬為段段三日後大夫來見段
蛇歸闕以聞敕發役夫五十人弃蛇靜原山

俗呼其地為大蟲峯延延喜中逝

○釋藏緣神融法師之徒也形短小又甚醜徐步却疾人走不及專唱地藏號無別業游化北土不移他方毀譽不遷好行施利人間年齒對曰八十然其負如四十許感通如響縛鬼降神白山立山為修練場晚縛菴白山笥筮而居臨終夜高唱地藏號院中眾僧聞之謂緣勤持念誥朝至菴見之向西端坐合掌化

○釋成意父居睿山性潔白無染著常嘗晡食弟子白言山上皆持齋師何不耶荅曰我清白厨饌不給時白關違故晚食耳又直心取菩提不繫食也弟子杜口而退晚年一朝命徒曰今日飯加常時如教進供意以飯分諸弟子曰自今而後汝等又不得我食食退語一子曰汝往無動寺相應師所傳我言曰意今詣極樂謁晤在彼界又至千光院增命公所如先言弟子曰此言似妄恐人誕吾亦師

無恙邪。意曰：我若不往，為我狂於彼，何忌乎？
弟子赴兩所未歸，向西而寂。
贊曰：進者多方矣。延之誅妖蛇也。緣之降鬼神也。皆原于專精矣。意之使干二公也。何其從容乎？

釋安願居興福寺，精修勤勵。時人號安願菩薩。承和二年秋，赴但刈暴風，俄來願舩，將覆願不動。心念觀自在，尊干時海上空中忽起白雲，當願之頂垂下。一舩怪看雲中現金色。

大悲像長六尺許，願及眾人瞻仰，嗟嘆於此。乎猛風即止，怒濤自恬。舟人無艱，穩到彼岸。釋長圍鎮西人，少年出家，居睿山，常持法華。修不動法，後入葛木山，三七日絕食，誦經修法。夢八金剛童子，以鈴杵劍等為服飾，異口同音，合掌讚嘆曰：勤苦修行者，猶如婆伽梵，得上三摩地，與諸菩薩俱。一時到河邊，寒水徧鎖，不知淺深。忽有大牛從山出，渡河往反。數回，牛乃隱。圍因而得渡，自熊野山入大峰。

詣金峯山迷不知路一心誦經時一童子唱
曰天諸童子以為給使勿愁也然而得正道
焉長久中卒

○釋心譽金吾衛將軍重輔之子也黃門侍郎
隆家其室患瘡百醫不愈氣法救譽持念加
持忍其瘡自拔躍衛藻井然而即愈侍郎大
喜有兒始七歲捨為給使後名隆明有盛譽
至大僧正

○釋覺助右僕射道隆之孫為園城心譽弟子

門下侍郎經長妻有病延諸沙門修五壇法
助預焉中夜妻死諸沙門皆破壇而去助獨
不去精祈益堅至次日日入時其妻蘇龙丞
相賴通聞之奏加僧官蓋其妻者左相之女
也康平六年十一月十一卒

○釋平願播州人也事性空法師持法華無佗
業屏深山讀經一日暴風吹倒廬願被壓專
心念經忽神人來從破隙引出願摩頂慰誘
曰夙殃故遭此禍經王力得全身不生惱恨

益勤持念必生清恭今之歷是轉輕受也願
從此持誦彌堅便捨衣孟書法華圖佛像於
河壩開無遮會作誓曰我若依此善業當生
安養願於此地必得奇瑞明日河邊生白蓮
花千餘莖香氣馥郁聞見莫不嗟歎

○釋真遠參州人居睿山西塔院持法華疾古
捷誦日三四十部兼學密教歸本邦住一寺
通乘馬出里閉路逢刺史遠不避刺史嗔曰
州中我管內遠雖出家豈非我民乎何為無

普賢并
現形守護
行者

禮推馬墜令官吏擊斃遠專意誦經其夜刺
史夢普賢菩薩乘白象繫廐舍門外又有普
賢乘象入來外普賢問內普賢所繫之事刺
史夢覺夜中解縛延之上座問曰上人蘊何
業遠曰持法華刺史驚嘆說夢事求哀懺謝
創別館四事供給

○釋光室近州人居金勝寺誦法華其音清雅
聽者不倦有兵部郎中平公逆臣將門之族
也勇悍武夫而歸室延家內居數年有惡室

者語兵部曰空與室通兵部大恚將空至山
縛樹下令僕射空謂以讒遭害又宿殃也乃
以高貴聲誦妙經僕放三五箭皆曲折而不
入膚兵部自射摧折如前凡二十九矢皆悉
折兵部驚懼投弓乞謝歸家厚遇踰先時也
其夜兵部夢金色普賢菩薩駕白象而至其
腹數矢兵部問菩薩何故受多矢普賢曰汝
依讒射持經者我代受耳夢覺大恐向空益
悔過乃逐讒人空二三日後思射事夜中逃

去其夜兵部又夢普賢告曰年來供我當相
引接爭奈無罪害我我不忍居今其去矣兵
部覺後尋空不知所之

○釋妙真住近州石山寺誦法華有年矣適赴
波州途有病難徒步以賃馬入洛憩祇園寺
側忽一男子見馬曰是我去歲所亡之馬也
此沙門盜去耳加笞箠繫屋柱專遭橫逆思
夙債專心誦經其夜祇園寺耆宿兩三輩同
夢一男縛普賢菩薩而鞭笞夢寤相語各加

巡檢至尊之所者宿便會大眾解其縛明且
數十人追盜過此舍舍主劇出又追賊賊拔
一箭射衆人會中斯男而斃時人皆曰縛持
經者之現報也

○釋珍蓮奧州人也投三井明尊爲弟子志勤
愿持法華適從奧州赴京途逢野燒煙焰迅
飛來無迴避處奴僕悲泣馬又嘶定蓮專心
誦經去蓮不遠疾煙自止僕主相持得全軀
命

○釋雲淨持法華樂閑靜自熊野到志州志州
者海岸之國也淨愛其境居一岩洞其上多
大樹溪流潺湲峯巒峭峙一夕其地腥臭淨
極怖畏一心誦經夜半暴風鳴樹臭煙逼身
一大毒蛇開口欲吞淨誦經不輟蛇聞經忽
起慈心収毒閉口暫聽還去須臾暴雨降澍
溪壑漲流良久雨晴忽朝服之人來作禮曰
我是岩洞主受暴殄身喫食人畜已及萬數
今聞妙經惡報殄滅今夜大雨不是天雨聞

法滅罪之感淚也。以此兩淚應知身形長大。自今以後不作惡業言已形隱。

○釋信誓姓高氏學密教兼誦法華其父嘗領房州刺史隨父赴任國務富繁誓以為父留此恐纏世累逃去背父不如速死即服毒無恙又嚼毒耳而不醉一朝肝卧夢普賢菩薩勗勉曰時不可失早興誦經自此益篤天下時疾播及父母染病夢五色鬼神驅逐而去一冥使曰誓持誦人也不可將去覺病差還

誦法華經
特怙父母
今

見父母膚體已冷誓悲泣誦經訖曰三人一病共赴死門我今得蘇父母何亡二人長往我生何為願憑法力藉我特怙誦經一日夜困夢之中法華第六卷從空而下背有文曰孝子誦經還父母命覺見二屍吐氣藉起○釋息融有至行常持十一面觀自在菩薩咒有童子備給使一日童營晨粥過期不來融如童所見之童已殂融撫屍誦十一面陀羅尼灑水其面良父童蘇言之曰有鬼長三尺

許捉我而行其身漸大過近州湖其水不踰
膝其頭與比良山齊當師之誦咒此鬼似不
堪聞也灑水之時大雨俄下其滴著鬼頭其
身漸促已而如初長將我歸本所今則蘓也
贊曰吾道者慈也凡百施為無不慈矣然有
逆順自他之異焉世只知順之為慈也不知
逆又慈矣不則我佛降魔之相猶一秦項耳
今此諸師解倒懸拯塗炭亦有自他順逆之
學者擇焉

○釋靜安從西大寺常騰學法相嘗居比良山
讀十二佛名經禮拜修懺其聲聞帝關諸州
間有聞者因茲救賜僧官承和五年奏置宮
中季冬佛名懺

○釋慧達姓秦氏美州人事藥師寺仲繼學法
相嘗上比良山修練者久仁壽帝不豫召達
加護達出山入宮帝疾即差元慶二年八月
二日滅年八十三達於藥師寺每歲修萬燈
會始自行年三十八至終歲年數反復亦可

恠云

○釋延昌姓江御氏加州人早登睿山學顯密教畱居補陀落寺寺乏水畱誦尊勝咒加之忽冷泉進涌天慶四年補天台座主天德二年為僧正嘗為承平天曆二帝師語徒曰我命終前三七日修不斷念佛其終之日我之滅時也應和三年十二月二十四日命門弟子唱念佛四年正月十五日沐浴淨衣持念珠結定印而化年八十五謚慈念

○釋尋禪右僕射藤師輔第十子也睿山慈慧與僕射道契尤深故以愛子與慧慧又異顧性聰明學涉顯密安和帝不豫連年不羗救禪加持禪侍御座側帝狂噴拔劍欲擊禪避之衣篋尚在堂上護神守篋帝於篋傍自縛倒蓋護神為之帝病即愈自是名顯天延二年救為一身阿闍梨台從此任從禪始永觀三年補座主永延三年九月二十八日寂謚慈忍

○釋源泉播州人也長久四年為寂勝講師至
四天王品四王現形唯帝獨見餘不看爾來
寂勝講場設四天座教為永式天喜元年為
延曆寺座主三年三月滅歲七十九

○釋見佛居奧洲松嶋其地東溟之濱小嶋千
百數曲洲環浦竒峯異石天下之絕境也其
尤者曰千松嶋佛結茆而居精勤苦練二十
二年其間誦法華滿六萬部其後不計數專
壹持誦世曰既淨六根役使鬼物屢顯靈應

天仁帝聞道譽賜佛像寶器而以旌異之依
茲土人改千松曰御島蓋境得久而顯又人
因境而傳也年八十二寂

贊曰昔牟尼老人付吾法于帝者故吾徒有
為之者必託于

皇王焉其間雖德行之厚薄皆有為之者也
體乎

吾王之順于佛教乎

元亨釋書卷第九

元亨釋書卷第十

感進四之二

濟北沙門

師鍊

撰

無動寺相應

大安寺行教

教圓法師

義照法師

勝尾寺行巡

醍醐寺觀賢

仁和寺成典

延曆寺增命

延曆寺尊意

秦舜法師

睿山明達

雲居寺淨藏

睿山修入

圓賀法師

三井公伊

藥師寺濟源

延曆寺陽生

多武峯增賀

仁和寺寬空

範俊法師

信覺法師

醍醐寺勝覺

感不動事

釋相應姓標氏近州淺井郡人其先孝德帝之
襲母夢吞劍而娠天長八年生十五登台嶺十七
剃落事其師外採花獻慈覺坊不必面授經六七
歲一日不缺覺含其誠實齊衡

初覺謂曰見汝勤愿可稱良器朝廷賜度者必得汝焉不
幾覃息降山其夜應宿中堂傍有沙彌五體投地垂
淚切祈應見之覺之徒求度者也次日覺呼應與
應以前夜事白覺曰願先賜此人我未晚目覺語諸徒曰
此少年先佗後已陰德陽報豈徒之哉二年二月藤公
良相與書覺曰雖戴冠纓志在菴染皇眷優渥不能遂
心願得俊才代吾奏度覺召應告曰藤公索度者是汝
良緣之相應也

今名汝以相應蓋取藤公一字也乃覆書上
名得度依例屏居十二年矣仁授不動別儀
護摩法應修練克勤天安二年藤妃女相嬰
狂病萬方不愈藤公延應應曰一紀未滿恐
違相規覺召應曰八福田中看病第一諸朋
友內外護無雙况閣下度汝替我身也若不
赴失素志又以甘恩汝其往諸不可拘禁應
入官妃隔屏而卧應持咒不久神擲妃於屏
外飛而至應前舉聲叫呼應曰可還本所妃

騰飛入帳中頃刻靈託妃陳謝狂疾速息藤
公以為所託過望也貞觀三年救於宮中修
阿比舍法咒縛二童子應問曰何人童曰我
是松尾明神也上怪之令源僕射問睿情所
疑之事童決數事皆愜上意時典侍藤氏侍
側問以佗事童不荅少時典侍病扶出私宅
經四日死救給度者并御衣謙辭不受此年
藤妃又病藤公又召應應加之便愈藤公大
悅與巴子國寶劍是藤公之深友從唐國所

送時為奇寶者也。寬平二年秋，上有齒病，救應加持。應誦理趣分五更時，上夢高僧八輩，與應同聲相加。上覺後所患之齒落而不知所在。上以夢告應，應奏曰：五鼓誦理趣般若，此經有八大菩薩，即八十俱胝菩薩之上首也。彼八大士擁護聖躬，邪上感之久矣。應歸山見經篋，上有一齒，急附近侍奉御齒。上嘉歎曰：應師非凡也。授以僧官，兼賜度者。應受度牒而辭僧官。五年，藤皇后赤受狂疾，經數

月，諸德拱手，唐託言曰：自非諸佛出世，誰降我乎？余者猶不能知我名也。救召應，應入掖庭。二日不能降，應還本山，懇訴明王。時明王像背而向西，應逐而坐，西持念像，又南而北，應皆隨坐，流淚稽首而言：以不二心，久回歸敬，有何觸忤相背？如此願垂慈愍，明示誨誘，合眼而記本誓。于時非夢非覺，恍惚之間，明王告曰：一持以後，生生加護，大誓不忘。故有斯背我今顯說本緣，昔真濟持我明咒，亦如

汝今時以微動念誤墮鬼趣本修功力惱逼
皇唐我以本誓護彼靈故且背汝耳汝之悻
誠我不能已示汝秘方汝至宮掖密語彼靈
你豈非真濟之靈邪彼聞之必低頭耻嗟爾
時以大威德明加之定得降伏汝但持我明
不能降何以故彼此同明故我亦大慈善巧
回彼邪心令入正道應感喜徹髓頭面禮足
次日返宮如教諭之旨降遣彼靈后疾即愈
延喜三年玄昭法師病厚龙僕射藤時平請

應於昭房一七日修不動法第六日毗盧遮
那并不動會現爐壇猛焰之上應與昭共見
餘不見昭疾立愈初貞觀五年雁等身長刻
不動像六年創一字安置號無動寺八年上
表曰南嶽天台皆有救號先師圓仁願賜大
師之謚時議曰最澄法師未有此稱師資之
道自有次序何超其師獨褒弟子應重表曰
祖澄父仁如龍如象各赴西唐之域共傳東
漸之燈弘法之功不易優劣然先仁者系嗣

也聖息若降於二謚祝慶併歸於兩宮依是
謚傳教慈覺二大師之號本朝大師號始干
此焉延喜十五年應啓明王曰願示來世所
居夢中明王警應坐須彌頂盤石之上普見
十方淨土都率安養如掌中菴羅果明王曰
隨意取生十八年十一月二日向西唱彌陀
右脅而逝壽八十八其日大津浦民間膏山
南方有天樂各出宅望之慶雲彌布峰頂應
性精勤苦行斷穀食弃鹽味落飛鳥止靈雨

行植大樹有相交纏暴漲流水還令逆流於
伽羅制多迦二使者常侍左右云
贊曰沙彌之求度也猶俗子之求冠禮矣只
恐其後時焉亦人情之常耳應公遜度黜於
同列蓋以已測人而用德於讓乎故得明師
之褒贊承賢公之崇嚮豈徒然邪世曰應公
蕪染後不味油酒不服絲帛飯粥同時過中
不食是以東西南北逐明王而坐隨恍惚杳
冥如親師之口授麾斥邪魅救護王后其

感應之跡灼灼而茂也矣至貴其父而露及其祖者爲人之嗣者之所當扶樹也始本朝之大號建釋門之偉矩其所彌縫豈小補哉昔行言禪師盛化於江南李國主嚮之署導師之號言以其師大法眼未有是名謙而不受李主乃謚法眼大智藏大導師賜言以本覺導師嗚呼雖殊域異時君子之有爲也合而不違矣然而言猶受署焉應也無稱焉吾與應矣

○釋行教武内大臣之襲也居大安寺貞觀元年詣豐之宇佐八幡神祠一夏九旬晝讀諸大乘經夜誦密咒法歲已滿夢大神曰久受法施不欲離師師廻王城我又隨行居王城側當護皇祚耳教漸著山崎其夜又夢大神曰師見我所居俄覺便起見東南男山鷓峯上現大光凌晨至光處實靈區也教便錄二事表奏帝詔橘工部准宇佐祠規建新宮世言教初見大神本身於是彌陀觀音勢至三

像現袈裟上因是殿內安三像

釋教圓勢州大守藤孝忠弟二子也寬和帝
遜位入道圓師事受業又遊諸師門得通貫
能誦唯識論一日誦自第一終于十時房側
松樹有異人作舞或問奚為舞對曰喜圓師
誦徹唯識論何樂如之故舞耳問者曰汝何
人對曰春日大神也言已不見長曆二年成
大僧都永承二年六月十日滅歲七十
釋義照南京之英也一檀信就藥師寺設八

講席多屈平城碩德輪講照為講師衣冠年
少儀服甚鮮傾聽照講講已進禮照而去餘
時不來照私恠輪番講師自有次序一日照
謂檀主曰今日講主非吾有也然吾有所思
居我唱導可乎檀信曰非供講筵甚勞名德
每逢講主深痛耻哀然師躡等自請又弟子
之幸也俄報定講而代照人不知也照已昇
座少年冠人又來講已又禮照而出次日作
講冠人不來照又越講冠人又在照先語徒

曰今日若冠人來潛趁歸蹤講後冠人又拜
歸其徒如教冠人入東山數里有深溪溪傍
有大穴水自穴出冠人入穴中徒反告事照
曰始我怪此冠人故屢踰講歷試神龍果有
通知吾講來聽耳自此世重照之講安和二
年正月三日卒年五十
贊曰神也何善赴感者也曷為赴正直也今
見八幡之隨於教春日之舞於圃證我言之
實也照之格于蜿蜒者其亞乎

釋行巡為勝尾寺第六座主貞觀中帝不豫
求法驗諸名藍乃勅巡赴都巡不赴宣使金
吾校尉藤佐道曰我聞率土之濱無不王臣
師雖在方外豈不居王地乎願速起謝息巡
便卓杖於地敷草座而坐曰我不坐王地金
吾曰杖下豈非王土邪巡便坐騰空高大餘
凝然而住金吾驚異歸奏巡尚不下一日夜
帝聞奏渴仰重敕曰雖不入官願垂覆護巡
獻法衣一領念珠一串官使擎二物上京中

途衣珠自飛入雲宮使奏此事然而衣珠先
來在帝枕上帝聞慨異之間見枕上二物起
立作禮帝病乃愈上大悅捨莊田永為寺產
初此寺名彌勒寺巡不應詔而承帝眷以死
夫勝天子故敕改賜額勝尾寺山麓後帝辟
位幸勝尾寺而巡已歸奔徒弟稱光華云
贊曰感通者二事耳持誦之者或一尊或一
明專精堅實能行靈異皆感也通者不然定
熟而得不可率易堅精而致也巡公坐杖上

騰空中而不下者一日夜豈所謂身如意乎
若其報得者我不議也

宸惠送紫
衣龍衣
北野山

釋觀賢姓秦氏讚州人為聖寶上足延喜二
十一年上夢弘法大師奏曰我衣弊朽願忝
宸惠覺後敕擇法之徒尤者送紫衣一襲於
野山賢中選入山啓定扉如隔雲霧不看儀
容賢作禮曰少年修道梵行無瑕况奉遺法
累歲月乎默許須臾真儀漸見猶如露斂月
彰賢頂禮瞻仰鬚髮甚長便剝落而換衣諸

長和皇子
性信法師也

衆不能見時溥祐為童侍問曰見乎對曰
不見賢執祐手摸定軀祐纔觸膝乃覺暖柔
其手甚香經歲薰不竭賢謂衆曰我猶見難
矣況下我者哉後世浮矯者不容易見恐致
疑謗胥議重石固封焉賢開和州般若寺初
延喜十九年任醍醐寺座主茲職自賢始延
長二年為僧正此歲六月十一日化
釋成典居仁和寺學密教一時魔魅伺之典
誦理趣般若魅鬼斃于階下萬壽三年朝廷

尊其德賜封戶七十二長曆二年為僧正長
以五年十月二十四日卒年八十四仁海法
師供弘法大師像有年誓曰竊聞大師入金
剛定恐有分身不必孤坐願知其人之夕夢
大師告曰僧正成典其一也海夢中間以何
為驗答曰彼左腳下有墨子海走典所見腳
果有墨子流下地拜之典問之海告所由典
色不動曰長和皇子出刹利種智行兼全是
大師之後身汝其禮之長和皇子性信法師

也
贊曰：隱顯有道者，聖賢之事也。弘法顯諸賢，
藏諸祐二字之降殺，而法之道也。典之有墨，
子者為信，無乎。

釋增命京兆人，朝散大夫，乘安峯之子也。額
有奇理，齊衡二年登睿山師，延宙三年降，救
八宗，選苗秀之者，于時山田春興，才智博洽，
亦蘊風鑑之術，承詔行諸寺，見驅烏少學之
者，春興看命驚曰：聖主降旨為道擇人，適得

額有奇理

此子實豫章之才也。已而登試席，姿音安暢，
文義渙放，縉素稱之。時年十四，經二歲受戒，
於東大寺。又反台嶺，稟大戒，元和元年從圓
珍座主得三部灌頂。寬平三年夏，坐西塔釋
迦院，北菴南峯，側有大巖，其形如蛇口，舌皆
備，其勢似吞，故老相傳，學徒居此，多夭亡者。
被此巖吞命對岩持念一七日，其終之日午
時，震雷俄擊岩碎，後亦無夭者。延喜二年秋，
齋宮公主有病，詔無動寺相應，祈念十日，無

効更召命持誦公主疾愈十三年三月右僕射源光薨年六十八僕射昔年夢一人告曰汝以五十九爲命限須修延年法覺後請命修觀自在軌僕射夢有男子長五寸許以羽覆面語曰我能留欲逝之人我是施無畏者也汝知乎施無畏者者睿山座主增命也汝命已延六年因此僕射語人曰命公者觀音之應化也六年後僕射又令命修前法源公又夢比丘告曰汝壽復加三年至此源公薨

皆如其夢十五年秋天天下疱瘡上又患之詔命入宮宣曰頭痛身熱殆不可忍也命合眼持念聖躬安泰延長元年營靈齋激宮城擾動春三月太子俄薨上大恐詔命陪宮中凡百餘日侍臣多夢神兵列宮闈三年上患瘡救命加持上疾即愈時堪譽法師亦在宮白日見鬼下殿去初延喜二年長公主迎命於六条院出家受戒又受灌頂五年四月寬平上皇幸睿山受密灌于命十一月於摠持院

受蘇悉地法十年九月幸千光院受阿闍梨位上皇手以唐衲袈裟香爐數珠并御衣授之初延喜六年爲座主延長元年爲僧正管法務台徒法務命爲始延長五年十二月十一日滅年八十五命受戒後未曾卧客來不別尊卑皆送迎之有宿疾者食命鉢裡飯莫不愈智證之追謚命之遺奏也十二月敕謚靜觀

贊曰予早逆遊從事於竺墳以故瞽之國史

矣偶因修僧史少見

皇家之治迹焉而李唐之代懿趙宋之真仁之所不逮也至

仁壽聖皇老名大夫鑒選吾徒之稚雛者永年以來未聞是等盛舉焉蓋

帝者之於佛乘也機餘之介事耳其見微細者如彼況大者乎嗚呼梵學猶若彼況國學乎國學者藝術也况廟堂乎其於吾門也雜道猶若彼況耆德乎耆德者福田也况龍象

乎又想

朝廷也下大夫之才識猶若彼况公卿乎公卿者股肱也况

元首乎命公屈

元龍膝捧付衣珠露瘡鬼身驅逐殿閣不負大夫之品藻不虛

皇王之蒐剔者與

釋重意姓丹生氏平安城人其先應神天皇之胤也甫六七歲好讀書不嘗肉葷不害羽

管丞相仰
應神天皇
之胤甫六七
歲好讀書

鮮隣僧思其梵種授大悲神呪意能持誦城之北山有度賀尾寺意於彼道場日夜誦呪不歸家者三年元慶三年上台山習學有聲十七落髮二十一禮座主圓珍受戒一紀之間究台教又稟兩部密法于增全蘓悉地于玄昭凡三部諸尊秘軌各各齊語無多少皆誦一萬反以故皆能通習亦為成就先行修法各一千座如是修練屢得奇夢觀音文殊金剛薩埵不動明王各加慰誘延長三年復

早宣於延曆寺修祈雨法意率六僧修佛頂
尊勝法四日雨降舉朝嘉歎尊勝秘法習於
朝自意始四年五月皇后產難救修不動法
天使藤元方宣曰若母子難全獨救護后意
奏曰能生所生皆悉安穩明王本誓何疑乎
明旦皇子平誕七年春三月京畿多疫詔曰
傳聞密教中有除疫法早勤修供速攘災癘
意伴二十沙門於豐樂院七日修不動法時
蓄消熄救賜度者三十人八年六月戶部尚

書藤清黃尚書右中丞平希世二人於清涼
殿逢雷震死皇帝惶怖玉體不豫乃移常寧
殿召意宿禁中持念初意在睿山一日管丞
相化來語曰我已得梵釋許與欲償夙懃願
師道力勿拒我也意曰然然率土者皆王民
也我若承皇詔何所辟乎管作色適薦柘榴
管吐哺而起化作焰坊戶煙騰意結瀉水即
擬之其火即滅燒痕尚在焉已而雷雨決旬
鴨河大漲人馬不通於是平詔意赴宮意車

到河濱激浪止流水不濕輪意入宮持聖帝
夢不動明王炎燄熾然厲聲誦咒加持聖躬
夢覺餘音在耳即意之誦聲也帝謂左右曰
意者聖者也承平四年春弘微毀庭柿樹烏
成巢詔意持念烏日日移巢七日盡去天慶
二年復旱七月於延命院救修尊勝法雨澤
沛然賜度者二十二人初延長四年五月任
延曆寺座主天慶三年二月二十三日沐浴
淨髮語弟子恒昭曰我日者欲生極樂今改

昇堯率闍毗之後不可厚葬只於墳所造一
石柱爲標令來見者結觀史之因又我弟子
七七之忌不得追修各於自房益勤修學若
有思我砥勵所業是報恩也二十四日無疾
而逝年七十五瞑目之後烏百餘隻房悲鳴
見人不避移時飛去蓋生平分食施烏以木
叩板群烏飛來及此感慕如是

贊曰出之學佛者以忌薦託諸子其尤者纔
黏痲茵課持誦乞延命豈塵表之舉止邪意

行劍輪法壇

公以追薦換勤業而為囑昔漢文避祝千歲

不續今見於意何其達哉

釋赤舜姓藤氏京兆人稟蓮舟闍梨密法天

慶三年平將門反詔舜修大元帥供舜行劍

輪法彼軌有六印當結其印壇上獨結杵忽

半折而去將門此日伏誅其折杵至今門學

傳付天曆三年十二月三日滅年七十四

釋明達姓土師氏攝州住吉縣人十二歲隨

住吉月神
再來人也

藥師寺勝雲出家初名真仁寬平元年十月

二日栖原寺勢春夢嚴尊一翁告曰住吉真

仕再來人也昔生此國以選入唐稟儒學唐

帝愛其才賜姓韓名衡仕至諫官仍不歸而

死報緣未盡又生此方今出家必為明師化

緣畢亦生彼土我是坂本之翁也

就天王寺尋仙受摩訶止觀又上睿山謁尊

意得顯密之奧旨天慶三年正月於美州山

南神宮寺修四天王法降平賊將門二月十

三日于時赤雲自東來入爐壇須臾臭氣滿

嚴讀千字

場十四日將門伏誅十一月於住吉神宮院
降藤純友修毗沙門法明年五月伏誅天曆
九年九月二十二日滅年七十九
贊曰昔天寶安西之寇大廣智一咒而五國
皆潰我天慶之逆非安西之比矣二子可謂
善繼祖業焉加之流鏑之聲鳴而去金剛之
像隱而出此方何其多又乎
釋淨藏洛城人諫議大夫殿中監善清行之
第八子也母弘仁帝孫女夢天人入卧内因

而娘寬平三年生聰敏無雙四歲讀千字文
聞一知二十七歲求出家殿中戲曰汝欲墮三
寶數當作一靈應不然不可失先業也兒曰
嚴命豈可止諸時春初庭梅盛發兒出戶外
召神人令折一枝來而以獻殿中感怪而不
言以故不能拘也見因而詣諸勝地事修練
或棲稍荷山令神童執花水或渡熊野河遇
洪水得異舟歲十二自松尾神祠還寬平上
皇幸西郊中路見藏喜而為弟子教上睿山

登壇受戒宣玄昭法師稟密教又從大慧法師學悉曇章慧者安然之上足也藏元通絲竹故於悉曇深究淵奧藏復橫川如法堂一夕旋庭俄有異人自西方來藏問誰荅曰我是賀茂明神也昔悉覺大師令京畿二百餘神番護此經今日我之真也庭下有穢我欲責之而師之所為也我不能如何便召神人穿去其地方五尺餘延喜九年左僕射藤時平受菅靈之誅沉痾彌留請藏持念白晝二

龍青色從僕射左右耳出頭診善諫議曰我告天帝報讒怨而貴子藏公法力抑我乞加嚴識諫議令藏潛去纔出門僕射即薨沙門長秀從波斯國猛風迅漂來秀有胸病醫治不効白增命僧正索法救命曰我國靈感之者十人淨藏第三也遣之藏誦藥師咒百八遍秀疾立愈秀感伏曰我國隣印度未有如是異人今見此師豈有一二乎天慶二年正月救於橫川修大威德法降逆賊平將門于

時將門帶弓矢立燈燄上伴僧皆見須臾流
鏑聲指東而去朝廷又修仁王會厭逆寇藏
爲待賢門講師其日輦下俄傳平賊入都朝
野擾動藏奏曰不是其身只頭而已果驛傳
賊首至京師天曆中藏寓八坂寺時搢紳多
集見塔曰塔之傾斜也其方有凶今是塔傾
向王城爲之若何藏曰我又思之早可修治
群公以爲捨財也其夜藏坐露地向塔持念
已還房弟子仁瑄偶出庭微風自西北來塔

婆少搖寶鐸作聲朝見之塔婆端直都人走
眎隨喜嘆嗟藏在此寺時中夜賊數十人來
藏厲聲叱之群盜支體不動猶枯木蓋咒縛
也天明藏解縛羣賊作禮而去南院皇子令
久修除病法過三日皇子薨哀訴于藏藏以
火界咒加之皇子蘇息正服而禮藏藏出語
久曰皇子命蓋矣我只咒力令暫蘇耳四日
遂薨醍醐公主有腰疾起居不便召藏持誦
藏日中出壇呼曰公主病愈侍女驚見公主

起行或親袈裟藏披之口出火燒之內衣不
焦或問所由血穢婦人之剪裁也天德中神
人告終藏誦金剛般若經祈延命俄患風數
日而痊蓋轉業輕受也應和三年八月空也
法師於六波羅密寺慶讚金字大般若經多
會名德時乞丐者駁焉其中有比丘形者藏
見之大驚延之上座是人不言藏以一
盂飯與之飯可四斗食之皆盡藏又薦飯
又盡之衆人怪比丘多食悉見之食已藏揖

而送之去後所與之飯如元不散或問之藏
曰文殊師利之應化也一會歎伏康保元年
十一月二十一日化雲居寺壽七十四藏博
物顯密悉曇天文易筮醫卜絃歌文章伎藝
莫不貫攝而皆拔萃曷秦帝修佛名會救藏
爲梵唄沙門平塞潛朝之會已上詔侍中藤
公忠宣塞曰藏之音韻非凡調汝等學之應
後會塞愧恐承平太上皇有病藏筮曰上皇
疾易差而明年宮中有栢梁之災果如其言嘗

曰我一生間受三哥拜寬平上皇始者四海
日域之主後者三密月輪之尊又我本師也
昔更衣妃受狂病醫巫拱手奉救入宮護法
神先我降縛妃疾即愈我尋而入上皇起而
拜我一也故殿中監者朝廷才臣儒林望士
亦我嚴父也我詣熊野殿中夢誓中途聞訃
而馳歸已經五日待我未寤我動冥衆加持
蘊息殿中著位袍而拜我後七日而永逝二
也玄昭法師者顯密偉德朝野碩望復我阿

闍梨也於亭子院修法真濟之靈為鵲來現
昭投爐壇燒之因而結怨化異小僧自空降
來昭見之心身惱逼我加持之降伏彼靈昭
披法服而拜我三也此三拜於我已邁餘何
言乎

贊曰薰練而致感通是曰修得焉藏兒稚之
時令神人折庭梅恐是報得乎故燒穢婦之
裁製知文殊之應現皆報得先識之見者也
其稱三拜者豈居敬而行簡乎加之藝術精

粹學業彌滿世只取于靈應者吾為截彼之
釋修入睿山朗善之徒也有神異初台徒每
歲七月望精修之者會法幢院角異天曆六
年法歲將滿其夜又角于院台眾令人配淨
藏已而入藏出二人有聲萬眾拭目藏咒縛
石其石自上下宛轉猶伎兒弄球一會生希
有想入叱曰此物甚鬧盍恬靜乎語已縛石
不動二人持念益切於是乎縛石中分為兩
片自躍到二人前合場嗟嘆曰像季之時豈

有此等事乎

三股金剛杵

置其局上持念杵自起相趨

釋圓賀共陽生座主謁藤相國相國曰承聞
佛家有角異事俗子若見必增淨信二師乞
不惜神用二人不得已便各以所持三股金
剛杵置其局上持念須臾二杵自起以鈷為
脚相趨如鬪雞已而生杵趨賀杵墜局下生
杵欲登賀杵上賀杵拒避生杵馳逐盤旋局
下數匝相府合家欽嘆不已二人自起各執
杵子

釋公伊都管伊房之子也投園城寺賴豪學
顯密教一日修北斗法於宮中此時伊被酒
醉甚及入宮醕酏不醒嘔吐殿上玉臣皆嫌
其不軌然業已應請不卒改也其夜帝夢衣
冠之人數輩剝北斗壇宮瓦帝驚令人問冠
人曰今夜伊公供北斗北斗當降壇先令我
等闢路耳帝覺後敬伊檀信請伊供毗那夜
迦天伊諾焉而不修也數日後檀越來曰因
師之修供某事已濟矣故來謝耳對曰我又

精修于時場壇中有細微之音曰我無供焉
檀返伊入檀取天像拋溪谷曰汝辱我我又
辱汝而伊無恙長承三年十二月十八日滅
贊曰傀儡者愚童之所樂而非丈人之所駭
也角異者其我法之傀儡乎然呈安居之効
啓公相之信不爲不益矣善戲劇兮不爲誑
我法有之矣伊公之不羈者繩墨之軌宕乎
釋濟源學三論于藥師寺延義兼修念佛三
昧康保元年四月五日以來五石捨藥師寺

看讀經文。謂徒曰：天慶七年，我被旨主藥師寺務者六年，其間我用常住者五石而已。今日當終，故償之耳。既而異香奇樂響天滿室，須臾而滅。

○釋陽生，姓伊豆氏，豆州北条人。少年登睿山，勤講習，而性多病，不耐苦學，以是為恨。一行告曰：勿苦勵也。常食軟飯糜粥，保養性命。悠久修習，又自貫首。一山生聞行者言，少弛習學，專誦法華。知命時移居竹林寺，益事清

修會朝命，任天台座主。生便詣山王神祠，怨訴曰：我精勤修練，亦無佗矣。安養之生菩提之果，我深志也。又冀神之冥助，耳何例常輩而置我於座主位乎？聞者讚美。平居燕雀就手而啄，猪鹿多馴從。豫告死期，吉祥而終。年八十七，正曆四年也。

乳母坐抱兒自馬上

○釋增賀平安城人，諫議大夫橘恒平之子也。誕質後數月，父母赴東州於馬上，搆輿座，令乳母坐抱兒。朝早發，乳母抱兒坐馬上，餘

睡未寤。放兒落馬。過數里而覺。不見兒。乳母
悲泣。父母聞之。舉聲哭。曰。若干馬牛定踏殺
我兒乎。雖遺骸。吾尚欲見。馳歸兒所。狹路中
泥土上。兒含笑。仰臥。泥水不汗。又無少疵。父
母急收。嘆希有焉。其夜。母夢。鄉泥土上有寶
床。敷天衣。兒卧其上。四天童立四隅。合掌曰。
佛口所生子。我等加衛護。覺後。益珍育。四歲
時。初向父母曰。願上睿山學。一乘作是語。已
又無餘詞。父母驚曰。嬰孩何作是言。恐是鬼。

神託言與母。又夢。一時抱兒在懷。忽長大成
壯年。比丘手持經卷。傍有人曰。莫怪驚。宿因
當作僧。十歲。父母以初語及夢事。送睿山。與
慈慧性聰穎。操履潔學。綜顯密尤邃。止觀而
惡利名。絕交謁。安和上皇。敕為供奉。伴狂垢
汗而逃去。太皇太后。故事為師。而延宮中。便
於采女中。出產語。又罷去。慈慧任僧。正入宮
賀謝。翼從甚盛。賀帶乾魚為劍。乘瘦犢牛。交
先驅之列。諸徒叱而去之。賀厲聲曰。僧正之

前馳去我誰乎聽者笑而伏天曆二年八月
夢至一所山川明媚阿練若僧徒在焉西南
隅有坦地見一老翁首戴青冠身被赤裘左
手持經右手携杖天童神女左右圍繞賀問
誰乎對曰毗耶離城居士也任此千餘歲止
此地者多得佛智汝盍居乎覺後不知何許
應和三年如覺法師勸上談岑山川風物死
如昔夢因是居焉四序各修三七日懺夢南
嶽天台諸祖師摩頂曰善哉佛子能勤修行

釋迦普賢加護攝受常有異人晤語言涉朝
野以故雖山中諳悉京畿之事州人多來訪
問實能應不外長保五年六月九日集徒曰
西方佳期今其不遠即設講筵談論深旨又
令弟子念佛自入靜室坐繩狀誦法華結金
剛印而滅年八十七臨終語徒曰吾沒不須
闡毗只要窆埋過三年開墳見之弟子依願
命作大桶輿殯寺後後三年十一月春秀等
啓墳全身不壞趺坐儼如也但衣已朽弊秀

等禮拜讚嘆

贊曰：浮屠何急乎清修而已！利源一闢，靡處不至焉。故吾黨貴寡欲矣。源公償五石之費，生師患一山之長，賀老卻供奉之列。三子者，吾門清介之士也。今反之求而不耻用，而不度痛哉！且夫延曆園城之郤，自座主位始生也。同時彼三千之徒，何不視一生公乎哉！

釋寬空，姓文室氏，內州人。事神田為弟子。又稟寬平上皇密灌，兼得圓堂院事。天曆帝敕

祈雨
宮城

修祈雨法，過期不雨。君臣潛笑，空乃著法服，捧香爐入宮庭，立焚香誦咒。密觀須臾，于時陰雲忽起，大雨暴降。然宮城而已，不到他所。時人竒之。康保元年為僧正。天祿二年二月六日化，年八十九。

祈雨

釋範俊，事東寺成尊，與義範齊名。軍病革，延久帝遣中使問病。且宣曰：俊與範孰愈？軍奏曰：二子無優劣。帝三問，軍荅如初。中使復命，帝曰：軍之言爾然，有思儀乎？中使曰：臣臨尊

室諸徒看養範俊在枕頭義範在脚後臣宣
詔旨尊答了舉首見範俊而已無餘事帝以
為尊意在子俊也永保二年四月至七月不
雨十六日詔俊於神泉池修請兩經法義範
長於俊也不承認因茲懷怨忿便入醍醐山
修寶樓閣法礙俊之供王城之上黑雲油然
彌覆城中皆謂必雨時醍醐山頂暴風俄起
吹散雲氣修中二七日風雲數度城中童謡
曰範俊雲又馳義範風復吹過二七不雨俊

耻潛逃那智山屬王畿之恠孽帝愁之一夕
夢或告曰竹人攘災覺後問群臣無委者江
都督匡房奏曰範俊也帝曰何也都督曰範
俊從竹人帝感語詔俊反都為僧正

釋信覺有密學永保二年旱範俊無應乃救
覺法雲覺於東寺修孔雀明王法又期二七
第十之日甘雨連日上大悅聽輦車

釋勝覺左僕射源俊房子也禮醍醐寺定賢
受秘教與旨又就範俊義範二師益究源底

祈雨

祈雨
後清雨法

道福賑衍門學如市天永三年六月旱救於
神泉苑修請雨法過三日大雨降注帝宣尚
書右丞藤顯隆加褒賞僕射大喜延覺於府
第設宴于時府裏少兒善歌舞僕射令見唱
兒乃歌曰阿釋池水通神泉詩摩尼峯風吹
一味雨其音雅婉僕射曰善乎歌乎應時協
節誰教汝哉對曰曉更夢老翁告曰今日府
中有客宴子必呈倡伎以此詩為曲苦口付
授故我歌之合家感怪摩尼峯高野峯名也

永火四年夏旱又救覺寧於神泉期以七日
第四日小蛇出池入爐壇下此日陰雲垂布
明旦甘雨普洽率土抃躍大治四年三月染
微疾二十八日孔雀一雙周匝座傍余人多
不見見者或髣髴而彩羽不鮮四月一日光
雲覆房覺便逝

贊曰旱澇者邦家之大事也我方外之民又
資於巖窟矣天長之間海敏之二師自發軔
於神泉此地宜於此焉然海碍於敏而羸矣

俊礙於範而輸矣二子之差降可見焉後時
竹人之夢俊或有加乎空公施于難用力者
多矣二覺之兩無礙而然然授歌之見又一
奇也

元亨釋書卷第十



